

রাষ্ট্রপতির সঙ্গে মুসলিম ওয়ার্ল্ড লীগের মহাসচিবের সাক্ষাৎ

12ই জুলাই, 2023

মুসলিম ওয়ার্ল্ড লীগের সেক্রেটারি জেনারেল ড. মোহাম্মদ বিন আবদুল করিম আল-ইসা
আজ রাষ্ট্রপতি ভবনে রাষ্ট্রপতি শ্রীমতী দ্রৌপদীমুর সঙ্গে সাক্ষাৎ করেন।

ড. আল-ইসাকে তাঁর প্রথম ভারত সফরে স্বাগত জানিয়ে রাষ্ট্রপতি বলেন, সহনশীল
মূল্যবোধ, চেতনা সংযম এবং আন্তঃধর্মীয় সংলাপের প্রসারে মুসলিম ওয়ার্ল্ড লীগের ভূমিকা ও
উদ্দেশ্যের প্রশংসা করে ভারত। তিনি বলেন, ভারত একটি বহু-সাংস্কৃতিক, বহুভাষী, বহু-
জাতিগত এবং বহু-ধর্মীয় সমাজ হিসাবে বৈচিত্র্যের মধ্যে ঐক্য উদযাপন করে। আমাদের
২০০ মিলিয়নেরও বেশি ভারতীয় মুসলিম ভাই-বোন আমাদের বিশ্বের দ্বিতীয় বৃহত্তম মুসলিম
জনসংখ্যার দেশ করে তুলেছে।

রাষ্ট্রপতি বলেন, ভারত সৌদি আরবের সঙ্গে সম্পর্কে অত্যন্ত গুরুত্ব দেয়। দু'দেশের মধ্যে
বন্ধুত্বপূর্ণ সম্পর্কের দীর্ঘদিনের ইতিহাস রয়েছে, যার মূলে রয়েছে বাণিজ্য এবং জনগণের
মধ্যে সম্পর্ক। তিনি বলেন, আমাদের দুই দেশেরই মূল্যবান শিক্ষা রয়েছে বিশ্বের সঙ্গে
ভাগাভাগি করার।

রাষ্ট্রপতি বলেন, ভারত ও সৌদি আরব উভয়েই সব ধরনের সন্ত্রাসবাদের নিন্দা করে এবং
সন্ত্রাসবাদের বিরুদ্ধে 'জিরো টলারেন্স'-এর আহ্বান জানাচ্ছে। উভয় নেতা একমত হন যে
সন্ত্রাসবাদ ও সহিংস চরমপন্থা মোকাবেলায় একটি সামগ্রিক দৃষ্টিভঙ্গির প্রয়োজন রয়েছে এবং
এটি কেবল মধ্যপন্থী চিন্তাধারার সাথে জড়িত হওয়ার মাধ্যমেই সম্ভব। রাষ্ট্রপতি চরমপন্থা,
সন্ত্রাসবাদ ও সহিংসতার বিরুদ্ধে ড. আল-ইসার অবস্থানের প্রশংসা করেন। তাঁর ভারত সফর
মুসলিম ওয়ার্ল্ড লীগের সঙ্গে সহযোগিতার আরও সুযোগ সৃষ্টি করবে বলে তিনি আশ্বা প্রকাশ
করেন।

নয়া দিল্লি

12ই জুলাই, 2023